

台語輸入法專案募款

主旨：籌募新台幣十五萬來委請輸入法軟體專家開發台語專用輸入法

說明：台語文運動 ê 人 lóng teh 期待有早期 HOTSYS 功能 ê 台語輸入法，雖然台語信望愛有開發[Kài 輕鬆 KKS 台語漢羅輸入法]kap[亦輕鬆 YKS 台語漢羅輸入法]；全羅輸入方面 mā 有教育部 ê 「台灣閩南語羅馬字輸入法」 kap 拋荒工作室 ê “Taiwanese Package”。M̄-koh chiah-ê 輸入法 lóng 有 in 缺點 ê 所在。有 ê pháiⁿ 安裝，有 ê 輸入齒 ê 長度傷限制，有 ê 無支援 Windows Vista。

咱 ē-sái 講，一個好安裝，簡單用，拍--出來 ê 字 súi 氣 koh 正確 ê 台語羅馬字／漢字輸入法，的確是關心台語 ê 人 tī 現此時真需要，m̄-koh 猶無存在 ê 家私。

台語信望愛願意負責募款新台幣十五萬，來委請輸入法軟體專家開發台語專用輸入法。透過關係，台語信望愛 kap tī 輸入法方面不止 á 專業 ê 石磐軟體公司有初步 ê 接觸。石磐軟體公司願意用十五萬 ê 價數，來開發 hō Windows XP kap Vista 用 ê 台語輸入法。

募款分兩階段來完成，第一階段 ê 目標是七萬箍。募 tiòh 七萬箍 ê 時，石盤軟體公司就會開始開發輸入法 kap 安裝程式，而且會開始放送粗胚 ê 軟體(alpha version) hō 第一階段有寄附 ê 寄附者優先來試用。募夠額十五萬 ê 時，石盤軟體公司 tōh 會開始收尾，完成輸入法。會按順序放送幼胚 ê 軟體(beta version)kap 半成品(release candidate)等等試用版 ê 軟體 hō ták 家來試用。按算 tī 進入第二階段兩個月以內完成正式版 ê 台語輸入法 kap 安裝程式，正式推出 hō 社會大眾來免費下載利用。

寄附 ê 方法請上網台語信望愛 <http://www.fhl.net/main/fhl/fhl6.html> 做線頂捐款，tiòh 請註明：**[為台語輸入法專案]**。

輸入法詳細說明，請參考 <http://taigu.fhl.net/life/>。

發起人：陳柏中 e-mail: pektion@gmail.com

林俊育 e-mail: limchuniok@gmail.com

2008/12/10